

مهووش أيوب

مهووش أيوب ..

ولا قادر ف مرة يتوب

ولا صابر على المكتوب

وفات قلبى انا بيدوب

مهووش أيوب بيكذب ,, ,

بس أنا مسامحاه

وبسمع ... شكوته ونجواه

ويتألم ...

مقولش ال .. آه

وبتحمل ف نار فرقاه

وعنده الهجر مش.. محسوب

مهووش أيوب
ده بُعْذه .. دقت فيه الويل
وقلبي ... فيه صراخ وعويل
وبسهر ... أبكى طول الليل
وبطلب أمتى عنة أتوب
مهووش أيوب
مهووش ليّا ..
لكن كل الغرام فيّا
وكل الحيرة والتوهة
بعيشها .. بس مخفية
وكل الذكريات بينّا
جميلة ... بس محنية !
ومش بقدر ..
أدارى الدمع ولا أخبيه

ولا بقسي ف مرة .. عليه
ولا ف البعد عنه بفوق
ولا عن حبه يمكن أتوب
مهووش أيوب
و أديني ع الحياة صابرة...
بعيش الحب .. ومثابرة
وبتألم ... لكن قادرة
أكمل تانى ميت .. فكرة
عشان واثقة..
بحبى ف قلبة .. ومشاعرة
وقلبه اللى بلون شعره
بياضه يمحي كل ذنوب
وعارفه انه .. ماعني يتوب
وراضية بكل شئ مكتوب

وبتمنى ...

يجينى الفرح بالجملة

وأعيش تانى الحياة سهلة

وربك ... هو رب قلوب..

وبدعى ربنا القادر

يزين الوعد والمكتوب

ويشفى قلوبنا ويعافى ..

كما أيوب !!